

INUIT ATAQATIGIIT

INATSISARTUNI



11. december 2009

Inatsisartut suleriaasianni § 36 imm. 1 naapertorlugu matumuuna imaattumik Naalakkersuisunut apeqquteqarpunga
(Inatsisartuni ilaasortaq Hans Aronsen, Inuit Ataqatigiit):

Apeqqut:

Niaqornaarsummi aalisakkanut tunitsiviup Royal Greenland A/S-imit pigineqartup namminersortunut tunineqarsinnaaneranut periarfissaqarnerisooq, paaserususunarpoq tamanna anguniarlugu Naalakkersuisut Royal Greenland A/S-ip siulersuisuinut isumaqatigiinnialersaarnersut ?

Tunngavilersuut:

Kangaatsiap kommunerisimasaani Royal Greenland A/S-ip tunisassiorfiutaasa akilersinnaannginnerarlugit matuinnarnerisa kingunissai inuiaqatigiinnut 1500 missaanniittunut inuuniarnikkut tarnikkullu atukkatigut annertuumik artukkiisusaavoq.

Ukiumimi nutaamiik 2010 Kangaatsiami, Niaqornaarsummi, Ikerasaarsummilu tunisassiorfiit unitsinneqartussaapput, ilaallu piffissap sivikitsuinnaap iluani nipisat suannik tunitsivigineqartussaallutik.

Niaqornaarsummi aalisarfik Arfersiorfiup paani sarfarnerpaaffianiittoq ukioq kaajallallugu uukkanik saarullinnillu aalisarfigineqarsinnaavoq, taamaattumillu sionatigut Niaqornaarsummiik aalisakkat tunineqartartut amerlanerpaat Kangaatsiami Royal Greenland-ip tunisassiorfiutaanut ukiuni arlalissuarni pilersuutigineqarlutik assartorneqartarput.

Tamanna tunngavigalugu taamaattumik isumaqarpunga Niaqornaarsummi aalisakkanut tunitsivik, namminersortunit ingerlanneqaleraluaruniluunniit, tunitsivittut sulii ingerlanneqarsinnaanissamut naammattumik tunngavissaqarluartoq.